



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

LX. Quod Fratres Minores Discalceati Sancti Francisci Hispaniarum non
possint transire ad aliam Religionem, nisi de licentia majoris partis Patrum
Vocalium Definitorii.

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

vinciæ Austriæ hujusmodi in dicto eorum Capitulo Provinciali forsan concedendis, occupare, aut eosdem Fratres Reformatos Discalceatos Provinciæ Austriæ desuper perturbare nullo unquam tempore possint, nec valeant Apostolica auctoritate tenore præsentium perpetuò concedimus, & indulgemus.

Quod Minister Generaliter possit Patres Definitorii.

§. 5. Ac insuper eidem Ministro Generali, ut Ministrum Provinciale, Custodem, & Definitorios dictæ Provinciæ Austriæ creare, & eligere, cæteraque omnia, & singula in præmissis, & circa ea necessaria, & quomodolibet opportuna, etiam si talia sint, vel fuerint, quæ magis specialem, specificam, individuum, & expressam requirerent mentionem, facere, dicere, ordinare, & exequi liberè, & licitè possint, & valeant, plenam, liberam, & amplam auctoritate, & tenore prædictis concedimus, & impartimur licentiam, & facultatem, ita tamen, ut Fratres Provinciæ hujusmodi Constitutionibus, & Ordinationibus in Capitulo, sive Congregatione Generali factis, quæ strictiori Observantiæ non aduersantur, subjaceant, ad illarumque observationem omninò teneantur.

Decretum irritans.

§. 6. Decernentes Provinciam Austriæ prædictam decretis, & declarationibus à Nobis, & Romanis Pontificibus Prædecessoribus, & Successoribus Nostri pro Reformationibus, & custodiis Italiæ emanatis, seu emanaturis nullatenus subjectam, & comprehensam esse, vel fore, ac Provinciale, Custodem, & Definitorios, alioque Superiores, & Fratres Provinciæ Reformatæ Austriæ hujusmodi à quoquam quavis etiam Archiepiscopali, aut Episcopali, vel etiam majori auctoritate fungente desuper molestari, perturbari, inquietari, aut impediri non posse; Sicque per quoscumque Judices, & Commissarios ordinarios & delegatos, sublata eis, & eorum cuilibet quavis aliter judicandi, & interpretandi facultate, & auctoritate judicari, & definiri debere, ac irritum, & inane, si secus super his à quoquam quavis auctoritate scienter, vel ignoranter contigerit attentari.

Contrariis derogat.

§. 7. Non obstantibus Constitutionibus, & Ordinationibus Apostolicis, ac dicti Ordinis, illiusque Provinciarum quarumvis etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & Litteris Apostolicis eidem Ordini, & Provinciis, illiusque, & illarum Superioribus, & personis sub quibuscumque tenoribus & formis, ac cum quibusvis clausulis, & decretis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores pro plenè, & sufficienter expressis, & ad verbum insertis habentes, illis aliis in suo robore permanens, ad præmissorum effectum, hac vice dumtaxat specialiter, & expressè derogamus, cæterisque contrariis quibuscumque.

Dat. P. An. 4. die 18. Martii.

Datum Romæ apud S. Mariam Majorem sub Annulo Piscatoris, die 18. Martii 1659. Pontificatus Nostri Anno quarto.

LX.

Quod Fratres Minores Discalceati Sancti Francisci Hispaniarum non possint transire ad aliam Religionem, nisi de licentia majoris partis Patrum Vocalium Definitorii.

Circa transitum ab una ad aliam Religionem seu familiam, vide ad Constit. Urb. VIII. 240. Injuncti nobis, & Pauli V. Postulat Apostolici tom. 3.

ALEXANDER PAPA VII.

Ad futuram rei memoriam.

Um sicut Dilecti Filii Ministri Provinciales & Fratres Provinciarum Sanctorum Joannis Baptistæ, & Josephi Ordinis Minorum Sancti Francisci de Observantia Discalceatorum nuncup. Regni Hispaniarum Nobis nuper exponi fecerunt, ipsi alias providè consideraverint incommoda, quæ eidem Provinciis in dies proveniunt ex eo quod nonnulli earumdem Provinciarum religiosi hujusmodi prætextu vitæ melioris prætendant è dicto Ordine transire ad Fratres Carthusianos, petita dumtaxat, licet non obtenta ad id fuorum Superiorum licentia, Nobis propterea iidem exponentes, ut eadem Provinciæ in eorum statu reformato, & in pacis, & quietis universalis amœnitæ conserventur humiliter supplicari fecerunt, ut in præmissis opportunè ut infra providere de benignitate Apostolica dignemur.

Supplicatio.

§. 1. Nos igitur eosdem exponentes specialibus favoribus, & gratis prosequi volentes, & à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine, quavis occasione, vel causa latis si quibus quomodolibet innodatus existit ad effectum præsentium dumtaxat consequendum, harum serie absolventes, & absolutum fore censentes, hujusmodi supplicationibus inclinati.

Concedit prout in Rub.

§. 2. De Venerabilium Fratrum Nostrorum S. R. E. Cardinalium negotiis, & consultationibus Episcoporum, & Regularium Præpositorum consilio, attentis narratis, ad evitanda exposita inconvenientia, ac aliis iustis de causis, ut in futurum nulli Ordinis hujusmodi Religioso professo, etiam sub prætextu arctioris vitæ, seu quovis alio quæsito titulo liceat ad quamcumque aliam religionem quantumlibet strictiorem transire, nisi prius in pleno Definitorio licentiam transeundi petierint, eamque per majorem partem suffragiorum favorabilium legitime obtinuerint, ac nullum, & inane quicquid secus gestum fuerit Apostolica auctoritate, tenore præsentium decernimus.

§. 3. Cognitionem verò causarum prætenforum gravaminum propter denegationem prædictæ licentiæ eidem Cardinalibus etiam privatè quoad alios quoscumque Judices quantumvis specifica, & specialissima mentione dignos avocamus, & reservamus.

Derogat contrariis.

§. 4. Non obstantibus Constitutionibus, & Ordinationibus Apostolicis, ac dicti Ordinis etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & Litteris Apostolicis in contrarium præmissorum quomodolibet concessis, confirmatis, & innovatis. Quibus omnibus & singulis illorum tenores pro plenè, & sufficienter expressis, & ad verbum insertis habentes illis alias in suo robore permanens ad præmissorum effectum hac vice dumtaxat specialiter, & expressè derogamus, cæterisque contrariis quibuscumque.

Datum Romæ apud S. Mariam Majorem sub Annulo Piscatoris, die 18. Martii 1659. Pontificatus Nostri Anno Quarto.

Dat. P. An. 4. die 18. Martii.

Quod Alumni, & Convictores Collegiorum de Somasca possint in eorum Oratoriis confiteri, tam à Presbyteris dictæ Congregationis, quam ab aliis ab Ordinario approbatis.

LXI.

ALEXANDER PAPA VII.

Ad futuram rei memoriam.

Alia postquam fel. record. Paulus Papa V. Prædecessor Noster inter alia privilegia Con-

Edita An. D. 1659.

Motiva hujus Constit.

gre-